



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIX. Soluitur argumentum depromptum ex doctrina Scholasticorum.

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)

vnius corpusculi angustias se redegisser. Vide epistolam tertiam August. Certè Hieronymus tota sua responsione hanc suspicionem tollere conatur, ne credatur Deus redactus ad angustias vnius corpusculi.

” **Q**VINTO proferunt AVGUSTINUM serm. 14. de verbis
” Apostoli: *Sedet, inquit, in cælo, qui ambulat in terra; in cælo*
” *erat, quia ubique Christus, idemque Christus est Filius Dei,*
” *Filius hominis.* R E S P O N D E O , hæc omnia de persona dividuntur, non de natura humana. Vnde paulo post loquens de Christo in terris degente ante passionem, ait: *Propter similitudinem personæ in terra Filius Dei, propter eandem similitudinem in cælo Filius hominis.* Vides non dictum esse in cælo humanitatem, in terra Deitatem, sed in cælo Filium hominis, id est, personam; in terra Filium Dei, id est, eandem personam, quia ubique est illa persona.

” **S**EXTO proferunt GELASIVM in libro de duabus naturis:
” *Quod, inquit, dictu audituq[ue] fugiendum est, vel homo Dei*
” *esse iam desinat, si sola illic humanitas, non etiam Deitatem*
” *seuerat: vel Deus homo consequenter esse desinat, si sola illa*
” *diuinitas, non etiam humanitas, similitudine permaneat.* R E S P O N D E O , illud; *Illic*, non significare locum, sed Christum seu mysterium incarnationis. Vult enim dicere, si in Christo sit sola diuinitas, aut sola humanitas, iam Christus non est Deus, & homo. Et patet ex verbis sequentibus: *Videbitur, inquit, quod abhorret animus dicere, sed cogit necessitas non latere, diuinitas in utroq[ue] mutabilis, si vel in carnem est ipsa conueniens, vel sic est in Deitatem humanitatis transfusa condita, sed proprietas eius esse desirat.*

CAPUT XIX.

Soluitur argumentum de promptum ex doctrina Scholasticorum.

DE C I M V argumentum ex Scholasticis. Co-tendit BRENTIUS hanc suam Ubiquitatem esse doctrinam non modò antiquorum Patrum, sed etiam præcipuorum Scholasticorum. Ac PRIMO profert MAGISTRVM in libro 3. dist. 22. ubi dicit: *Christus totus est, ubiunque est, sed non totum.* Quid autem sit, noue-

vbiique, sed non totum, exponi dicit Brentius à Thoma 3.p. q.52.art.3.vbi Thomas docet Christum totum esse vbiique, sed non totaliter, quia nullo loco circumscribitur.

Addit BONAVENTVRAM in 3.d.22.q.2. qui sic ait: *Cum dici-
tur iste homo est vbiqz, hoc pronomen, iste, demonstrare po-
test personam Christi, & el singulare hominis si personam Chri-
sti, sic absqz dubio ista Vera est, iste homo est vbique. si vero
singulare hominis, adhuc Vera est, non autem per propriam
naturam, sed per communicationem idiomatum; quia quod
conuenit Filio Dei per naturam, conuenit Filio hominis per
gratiam.*

Postremò allegat compedium Theologicæ veritatis lib. I. cap.17.vbi sic habetur: *Corpus Christi licet non sit vbiqz, cum
sit creatura, nec aequari possit in hunc modi creatori, in pluri-
bus tamen locis est totum sub diuersis hostiis, & hoc propter
unionem carnis ad Verbum. At ista ratio, inquit BRENTIVS,
concludit illud est planè vbiique, nusquam enim non esse per-
sonalis unio carnis ad Verbum. Quare aut compendium pu-
gnat secum, aut cum dicit Christi corpus non esse vbiique,
intelligit non esse vbiique per se, sed gratia Dei.*

RESPONDEO, Scholasticos omnes ex professo contrarium docuisse, ut etiam hinc impudentia Brentij non mediocriter illustretur. Ac PRIMVM Magister cum ait: *Totus Christus
est vbiqz, sed non totum. Seipsum ibidem explicat, sic dicens:
Totum ad naturam refertur, totus ad hypostasim, &c. Itaque
totus Christus est vbiique, quia persona diuina tota est vbi-
que; at non totum Christi est vbiique, quia altera naturarum
eius non est vbiique.*

Porro S.THOMAS loco citato cum dicit, Christum totum esse vbiique, sed non totaliter, quia non circumscribitur loco, non exponit Magistrum, nec loquitur de corpore Christi, sed de persona diuina. Vnde in corpore articuli dicit, in tri-
duo mortis anima Christi fuisse in inferno, corpus in sepul-
cro, Deitatem vbiique. Et contra Gentiles lib. 4.cap.49. Quia
Verbum, inquit, non accipit subsistentiam à natura humana,
sed ei potius tribuit, nihil prohibet Verbum esse vbiqz, licet na-
tura humana à Verbo assumpta non sit vbiqz. Et in 3.d.22.q.1.
art.2. Respondeo, inquit, dicendo quod natura humana non est
vbiqz.

Iam

Iam verò BONAVENTURA in 3.d.22.q.2.tam clare loquitur, ut non possit clarius.nam proposita quæstione, An Christus ubiq; sit homo, respondet his verbis: *Quæstio ista potest esse de re, & de sermone: si de re, de plano dici potest, quod humanitas Christi non fuit, nec est, & sic unq; est eius diuinitas. Com Deitas sit immensa, & incircumscripta, nullum sibi locum determinans: humanitas vero cum sit creata, & finita, determinat sibi locum, quatum est ex parte ipsius, quamvis formaliter sit in pluribus locis.* Hæc ille.

Cum igitur postea addit, Filiū hominis esse ubique per communicationem idiomatum, quia Filio hominis conuenit per gratiam id quod Filio Dei conuenit per naturam, nō loquitur de re, sed de modo loquendi. nam quia per gratiam unionis (de ista enim gratia loquitur, non de creato aliqua gratia) factum est, ut una sit persona Deus & homo, ideo rite dicitur, Filius hominis est ubique, quia nimis illa persona, quæ est Filius hominis, est ubique.

Denique compendium illud Theologiae, cum dicit Christi corpus esse in pluribus locis sacramentaliter propter unionem ad verbum, non vult dicere, rationem formalem, & immediatam cur sit corpus Christi in pluribus locis, et rationem ad verbum, tunc enim pugnaret secum nimis aperte, & deberet concedere, etiam extra Sacramentum Christi corpus esse in pluribus locis, immo etiā fuisse ab ipsa conceptione, sed indicare voluit, propter unionem ad verbum, posse hominem Christum statuere suum corpus in pluribus locis, quia enim ille homo est Deus, ideo potest hoc facere. Ne enim, quia tantum homines sumus, possumus quidem Deo si ipse voluerit, ponī in pluribus locis, sed non possumus nos ipsos ponere in pluribus locis.

Et deinde quidquid sit de isto compendio, certum est Scholasticos Doctores omnes, Albertum, Durandum, Scutum, Gabrielē, & ceteros in 3.d.22. disertis verbis, & sensu consensu hoc ipsum docere. Omnes enim dicunt, de ipsa non esse quæstionem, cum certum sit carnem Christi esse ubique. de modo autem loquendi statuunt tres regulas.

PRIMA est, quando queritur, an Christus homo sit ubique, si homo sit subiectum propositionis, absolute condendum est esse ubique, quia tunc vox, Homo, supponit pro-

positio-

Supposito. Itaque ista est vera simpliciter, Christus homo est ubique.

SECUNDA est, si Homo sit prædicatum, & aduerbiū, & biq; teneat se ex parte subiecti, similiter concedenda est propositio. Itaque cùm dico, Christus ubique est homo, verum dico, si illud, & biq;, tenet se ex parte subiecti, est enim sensus, Christum, qui est ubique, esse hominem.

TERTIA est, si Homo sit prædicatum, & & biq;, teneat se ex parte prædicati, tunc falsa est propositio. Nam cùm dico, Christus ubique est homo, si ubique, efficit coniunctionem subiecti cum prædicato, significat Christum in omni loco habere secum præsentem humanitatem, quod est falsum.

C A P V T XX.

Soluitur postrema obiectio ex naturali ratione deducta.

VLTIMVM argumentum Brentij. Christus homo sine dubio est summe felix, summe pulcher, summe beatus, ergo est ubiq; præsens. Nam loco circumscriptum esse, & de loco in locum ambulare, non est diuinæ excellentiæ, sed corporeæ imbecillitatis; non cœlestis maiestatis, sed terrestris paruitatis; nō spiritu- lis pulchritudinis, sed carnalis deformitatis.

RESPONDEO, beatum esse eum (vt definit S. Augustinus lib. 13. de Trinit. c. 5.) Qui habet quidquid vult, & nihil malivult. Pulchritudinem autem esse membrorum proportionem, cùm suavitate coloris, vt idem AVGVSTINVVS habet lib. 22. de ciuitat. Dei, cap. 19. Ex quibus sequitur, Deo, qui est natura immensus, necesse esse ad felicitatem & pulchritudinem ut ubiq; sit. si enim non ita esset, non haberet quidquid vellet, aut aliquid mali vellet. At verò homini, qui naturæ est finitæ & corporeæ, & habet instrumenta motus, malum & turpe esset si moueri non posset, & si omnia replevit, ita vt periret forma & figura conspicua membrorum. Argumentum igitur Brentij tam est admirabile, vt planè contrarium efficiat eius, quod efficere debebat.

Sed hoc loco præterite non possum illa verba BRENTII:

Y

(Loco